

**Incumbensa Stiffler concernent l'examinaziun da la collavuraziun da l'Uffizi per economia e turissem (UET)
cun partenaris turistics**

Per commercialisar e per promover il turissem surdat il chantun differentas incaricas da prestaziun. Tranter auter survegnan l'Uniun Grischun Vacanzas, il secretariat da la marca graubünden sco er la graubündenVIVA SA contribuziuns considerablas e differentas incaricas da prestaziun. I dat en egl en quest connex che adina las medemas persunas cumparan e vegnan incaricadas sut differentes titels giuridics. Differentas participaziuns cruschadas d'uniuns e d'interpresas cun la medema incumbensa u cun ina incumbensa sumeglianta cuntegnan però il privel da l'intransparenza, da la nunsurvesaivladad, d'ina dirigibladad pli difficila, da dependenzas e d'ina controlla cumplitgada dals daners publics. En quest connex sa tschenta er la dumonda, sche las usanzas necessarias vegnian observadas en il sector da las acquisiziuns publicas (legislaziun da surdada). Vitiers vegn che en spezial Grischun Vacanzas porscha da nov servetschs che concurrenzeschan furniturs da servetschs da l'economia privata.

Tar il consentiment da daners sur il preventiv manca al Cussegl grond pia la survista sco er la dirigibladad da las incaricas (da prestaziun) surdadas dal chantun Grischun. Ultra da quai n'è la strategia generala betg (pli) perceptibla. I n'è er betg cler, sche las directivas dal chantun en dumondas da la corporate governance vegnan observadas.

Pervia da quai sa tschenta la dumonda, sche las structurasson vegnir simplifitgadas, la survista meglierada, las incaricas da prestaziun formuladas en moda pli concreta e – la finala – sche la strategia sto vegnir reponderada.

Las sutsegnadras ed ils sutsegnaders incumbenseschan la Regenza:

1. da metter en dumonda las structurass actualas en ed ordaifer il UET, da controllar la corporate governance, da metter en dumonda la surdada d'incaricas da prestaziun e d'ulteriuras incaricas e da sclerir ils currents finanzials;
2. da megliar la strategia e da preschentar ina survista cun mesiras d'optimaziun cun la finamira da stgaffir ina clera survista da la collavuraziun dal UET cun partenaris turistics, trasparenza en la surdada d'incaricas da prestaziun e d'ulteriuras incaricas sco er clerezza tar ils currents finanzials;
3. da preschentar ils puncts 1 e 2 en in rapport per mauns dal Cussegl grond.

Cuira, ils 4 da december 2019

Stiffler, Cavegn, Horrer, Aebli, Atanes, Berweger, Bigliel, Caluori, Cantieni, Casty, Caviezel (Cuira), Censi, Claus, Della Cà, Deplazes (Cuira), Ellemunter, Engler, Felix, Flütsch, Föhn, Gartmann-Albin, Geisseler, Gort, Grass, Hardegger, Hartmann-Conrad, Hefti, Hitz-Rusch, Hofmann, Holzinger-Loretz, Jenny, Jochum, Kasper, Kienz, Kohler, Kunfermann, Kunz (Fläsch), Kunz (Cuira), Kuoni, Lamprecht, Marti, Michael (Castasegna), Mittner, Müller (Favugn), Natter, Niggli (Samedan), Niggli-Mathis (Grüsch), Noi-Togni, Papa, Paterlini, Perl, Pfäffli, Ruckstuhl, Rüegg, Rutishauser, Schutz, Tanner, Thomann-Frank, Thür-Suter, Ulber, von Ballmoos, Waidacher, Weidmann, Widmer (Favugn), Widmer-Spreiter (Cuira), Wilhelm, Zanetti (Sent), Zanetti (Landquart), Padrun-Valentin, Pajic, Renkel, Spadarotto, Tschudi